



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Baptismo Et Confirmatione - Dvobus Libris Explicata

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

IX. Soluuntur obiectiones contra materiam Confirmationis.

[urn:nbn:de:hbz:466:1-53934](https://nbn-resolving.de/urn:nbn:de:hbz:466:1-53934)

CAPUT NONUM.

Soluuntur obiectiones contra materiam Confirmationis.

PRIMA obiectio Brentij in Confess. Wittemb. capite de Baptismo. Usus Chrismatis ad elementa huius mundi pertinet, & ad Iudaicas cæmonias, à quibus nos reuocat Paulus Col. 2. *Si mortui es tu cum Christo, ab elemētu mundi huius, quid adhuc hū derinemini?* RESPONDEO; Si argumentum valeret, probaret etiam non utendum aqua in Baptismo, nec pane in Eucharistia, quia his rebus vtebantr etiam Iudæi, cùm haberent aquam expiacionis, & panes propositionis: quare sicut potuit aqua, & panis deseruire vmbrae, & veritati, sic potest etiam oleum. Paulus autem reuocat nos à cæmoniis Iudaicis, quæ verè elementa erant, & egena, vt ipse alibi dicit, cùm iustificare non possent non autem à Sacramentis Christianis, licet in eadem materia constant.

SECUNDA obiectio. Dionysius Areopagita non obscurè significat ritum Chrismatis desumptum ab athleticis vñctionibus Ethnicorum, & partim ex lege Mosaica. At Moles Deut. 12. *Cane, inquit, ne imiteris Gentes, et requiras ceremonias eorum,* &c: RESPONDEO; Dionysium tribuere Chrismatis doctrinam Apostolis Christi, non Ethnicis, aut Iudæis, vt supra ostendimus. Quod autem ait de Iudæis, pertinet ad figuram huius Sacramenti, non ad ipsam essentiā, & veritatem. Quod verò de athleticis dicit, non pertinet ad cæmoniam, & cultum, vt somniat Brentius, sed ad effectum Sacramenti per similitudinem explicandū, vt enim athletæ vngebantur, vt vincerent in certamine corporali, ita nos vngimur sancto Chrismate, vt vincamus in certamine spirituali. Qua similitudine vñtunc plurimi Patres, Chrysostomus, Ambrosius, Augustinus, & alii. Non igitur facit ad rem testimonium Deuteronomij: non enim athletæ vnguntur, vt ea cæmonia Deum colant.

TERTIA obiectio. Acta Conciliorū testantur Chrismatum esse à Sylvestro; nō igitur Apostolis in usu esse potuit, vt Fabianus scribit RESPONDEO; Acta Conciliorum, seu potius Damasus in vita Sylvestri, solūm testatur, Sylvestrum prece-
pisse

pisse, ut Presbyteri tangerent verticem baptizati Chrismate, quæ unctionio distincta est a Sacramento Confirmationis, quod in fronte ab Episcopo datur. Non potuisse autem Chrisma à Sylvestro institui, evidenter patet ex Tertulliano, Theophilo Antiochono, Cypriano, Cornelio, & aliis supra citatis, qui furerunt ante Sylvestrum, & expressè Chrismatis meminerunt.

PRIMUM argumentū obiicit Kemnitius contra propositionem primā ex Scripturis. Nam Act. 2. & 10. datur Spiritus sanctus sine ulla Chrismate. Item Act. 8. & 19. fit mentio impositionis manuum, non autem Chrismatis.

RESPONDEO; Quod attinet ad cap. 2. & 10. Act. non fuisse in his locis ministerio Sacramentorum datum Spiritum sanctum, sed singulari priuilegio datum à Deo effectum Sacramenti, sine Sacramento.

Quod verò pertinet ad alia duo loca, duæ dari solent responsiones. PRIOR est aliquorum Scholasticorum, qui dicunt Apostolos vario modo ministrasse hoc Sacramentum; ac primis quideam temporibus, quia visibiliter descendebat Spiritus sanctus, non vsq[ue] fuisse eos vlla unctione, sed simplici manus impositione: siquidem, effectum internum satis testabatur externus ille ignis, qui diuinitus apparebat. At postea cùm formæ illæ visibiles cessassent, tum adhibere eos cœpisse unctionem, ut per eam significarent id quod antea visibili specie diuinitus apparente significabatur. Si obiicias non potuisse Apostolos instituere materiā Sacramenti: respondent, eos non instituisse, sed à Christo id mandatum accepisse, ut modò vteretur manus impositione, modò Chrismate, prout oportunum esse iudicarent. Hæc solutio non est omnino improbabilis, & ab ea non abhorret S. Thomas 3. parte q. 72. art. 2. & fortasse possent hoc trahi testimonia Concilij Florentini, & Innocentij cap. Cùm venisset, extra de sacra unctione, qui dicunt dari in Ecclesia Sacramentū Confirmationis loco manus impositionis apostolice.

Est tamen ALIA solutio, quæ longè mihi probabiliор videatur, Thomæ Waldensis tomo II. de Sacramentis, cap. 113. & Hugonis de S. Victore lib. 2. de Sacramentis, p. 7, cap. 2. qui dicunt idem esse unctionem Chrismatis, & manus impositionem; qui enim inuugit, manus imponit & idcirco utrumq[ue] significari, etiam si alterum tantum exprimi videatur. Hæc solutio

Iutio probabilior est. Nam constat Apostolos in Confirmatione vlos esse Chrismate, cum id afferant Dionysius, & Clemens; & præterea vunctionis meminerint antiquissimi autores, Theophilus Antiochenus, Tertullianus, Cyprianus, Cornelius, Origenes, & alij, ante quos non fuit nullum Concilium Oecumenicum, in quo id institui potuerit. Constat etiam optandum esse, ut possit defendi, Apostolos semper eadem materia vlos, & non modò una, modò altera: id enim tutius, & expeditius est. At cur, quæso, id non potest defendi? Quia, inquit, Lucas meminit impositionis manuum, & non memin Chrismatis, sed nec vsquam Lucas, aut alia Scriptura, aut eius nullus veterum dicit, Apostolos vario loco hoc Sacramentum ministrasse. Et præterea in verbis Lucæ posse intelligeret Chrisma, multis modis probare possumus; Apostolos autem mutasse materiam, nescio an vlo modo probari possit, nisi anteriorum auctoritate.

P R I M O igitur sic probō, Apostolos semper manus imponendo signasse Chrismate, ac proinde Lucam ritum illum cōpendio perstrinxisse, & ex una parte rem totā intellectissime. Nam Patres, qui uno in loco dicunt per impositionem manus dari Spiritum sanctum, iidem in alio loco dicunt dari per vunctionem Chrismatis, & aliquando utrumque simul coniungunt; ex quo apparet utrumq; ad ritū hunc pertinere, & in illis perinde esse, siue unum, siue alterum exprimantur. Tertullianus lib. de resurrectione carnis suprà citato, tractans hunc ritum, dicit, carnē vngi, signari, & manus impositione obumbrari: tamen in lib. de praescript. solum exprimit signari in fronte; & lib. i in Macionem, solum exprimit vunctionem; lib. de Baptismo exprimit vunctionem, & manus impositionē. Ita videmus unum auctorem modò unam partem, modò duas, modò tres eiusdem ritus exprimere; & tamen semper rem eandem significare. Cyprianus lib. 1. epist. vlt. solum meminit vunctionis; lib. 2. epist. i. solum meminit manus impositionis, cum de una re, & eadem loquatur; in epist. vero ad Iubaianum, cum manus impositione addit signaculum dominicum, de quo nihil dixerat in prioribus duabus epistolis. Sic etiam Concilium I. Arelatense can. 8. tantum nominat manus impositionem; & tamen Concilium II. Arelatense paulo post celebratum, & eandem rem tractans, can. 17. nominat vunctionem Chrismatis. Damasus, & Leo su-

pract.

præ citati, dicunt non licere Chorépiscopis vngere frontem baptizatorum Chrismate: & tamen Ioannes III. hoc ipsum decretum citans, & nominatim allegans Damasum, & Leonem, ne semel quidem meminit Chrismatis, aut frontis, sed perpetuò hunc ritum vocat manus impositionem; ac eiusmodi exempla plurima possent adferri. Quid igitur mirum si §. Lucas ex una parte totum ritum significari?

SECUNDÒ idem probo alia ratione. Nam Patres, quando dicunt solos Episcopos, per vunctionem Chrismatis dari Spiritū sanctum, semper allegant verba Lucae Act. 8. ut patet ex Innocentio epist. I. Damaso epist. 4. Leone epist. 38. Cypriano ad Iubaianum, Augustino lib. 15. Trinit. cap. 26. & ex aliis supra citatis. Ergo aut Apostoli Act. 8. manus imponendo vngabant Chrismate, aut isti omnes Patres malè argumentantur. DICES: Benè illi argumentantut, quia licet Apostoli Act. 8. non vteretur Chrismate, tamen Chrisma successit in locum manus impositionis, qua illi vtebantur. SED contrà; nam si ita esset, saltē aliquis Patrum aliquando id significasset, vt intelligeremus vim argumenti ipsorum.

TERTIÒ idem probo ex aliis similibus Scripturæ locis, vbi brevissimè aliquid comprehenditur, & tamē necesse est plura intelligere. Exemplū esse potest, quod Paulus in epist. ad Timonem & ad Titum semper Ordinationem vocat manus impositionem. Exemplū adfert Augustinus lib. de fide, & operibus, cap. 9. ex c. 8. Act. Ibidē enim legimus Eunuchum à Philippo baptizatum, cùm dixisset: *Credo Filium Dei esse Iesum.* Augustinus autem rectè notat Lucam per compendium rem attigisse, sed omnino credendum esse de multis aliis interrogatum Eunuchum, & multas alias cærenacias adhibitas in illo Baptismo. Alterum Exemplum esse potest id, quod Lucas ait, *Apostolos Baptizasse in nomine Christi Act. 8. 19.* & alibi. Nam vt supra ostendimus, Apostoli baptizabant in nomine Patris, & Filii, & Spiritus sancti: sed Lucas id per compendium dicere maluit sciens rem esse notissimam. Aliud exemplum esse potest in eo, quod Paulus ait ad Tit. 3. nos saluari per lauacrum regenerationis: vbi nihil dixit de verbo, & tamē intellexit sine ullo dubio lauacrum cum verbo, vt ipse idem alibi expressit Ephes. 5. Et multa sunt huiusmodi, quæ longum esset recensere.

Vna est hic difficultas, quod videtur hac nostra solutio re-pugnare

pugnare Innocentio III. cap. Cum venisset, extra defacratione, & Concilio Florentino instruct Armenorum. Nam Innocentius dicit, per frontis Chrismationem, designari manus impositionem Apostolorum: Conciliū autem dicit loco illius manus impositionis dari nunc in Ecclesia Confirmationem.

RESPONDEO; in primis, non omnia quæ habentur in Decretis, aut Conciliis ad fidem pertinere, sed solum ea, quæ definitur: hoc autem, de quo agimus, non definitur, sed tantum obiter dicitur ad rem explicandam.

Dico tamen **SECUNDO** & melius, ac tutius, Innocentium, & Concilium non velle dicere, Chrisma esse loco impositionis manuum, quasi Apostoli non vterentur Chrismate, & nos non utamur impositione manus: sed velle dicere, id ipsum quod Apostoli faciebant, cum dicebatur imponere manus, facere nū Episcopos, cum dicuntur Confirmare, vel Chrismare. Distinguitur enim in his locis, non ritus a ritu, sed modus loquendi amodo loquendi; & personæ a personis; & deniq; illa particularis impositio manuum ab ista, quæ modò est: siquidem tunc communiter dicebatur hoc Sacramentum, impositio manus, nunc dicitur communiter Confirmationis; præterea illam dabit Apostoli, istam Episcopi; denique illa erat efficacior, quia cum effectu interno, dabat etiam externum, & cum gratia gratum faciente dabat etiam dona gratis data linguarum, & miracolorum, &c. Hac ergo ratione dici potest, id quod nunc sit, eis loco eius, quod tunc siebat, licet sit idem, quoad substantiam. Et quod hic sit sensus eorum locorum, probatur duplenter. **PRIMO**, quia Concilium & Innocentius, non dicunt, Chrisma esse loco impositionis manuum. Sed Sacramentum Confirmationis esse loco impositionis manuum. At certè Apostoli omnium consensudabant Sacramentū Confirmationis, siue adhibuerint Chrisma, siue non. **SECUNDO**, quia Concilium & Innocentius ibidem dicunt Episcopos esse in Ecclesia loco, seu vice Apostolorum. At certè Apostoli veri Episcopi erant, licet aliquid etiam amplius haberent.

SECUNDA obiectio Kemnitij contra eandē propositionem sumitur ex Patribus. Nam vt ipse dicit, Tertullianus in lib. de Baptismo dicit, hanc unctionem sumptam esse ex veteri disciplina, id est, ex Testamento veteri: proinde nō a Christo institutā. Cyprianus in serm. de ablutione pedū, dicit has cæremoniias

nias non à Christo, sed ab hominibus institutas. & in serm. de Chrismate dicit, relictam esse hancunctionem ex Testamento veteri. Basilius ait, nullū existare λόγον γεγαμένον de vñctione Chrismati. Atq; ex his auctoribus dicit Kemnitius sati aperte refelli mendacium Fabiani Papæ, & Martyris, qui asseruit hanc vñctionem à Christo ipso Apostolis traditam.

RESPONDEO Tertullianum id solum asserere, præcessisse in Testamento veteri figuras huius Sacramenti; ex quo non sequitur non esse à Christo institutum: nam ibidein asserit diluvium suisse figuram Baptismi, & tamen fatetur Kemnitius nō negasse Tertullianū Baptismum à Christo institutum. Cyprianus in sermone de ablutione pedum non loquitur de Sacramento Confirmationis, cùm dicit cæmonias Sacramentorum ab hominibus institutas, sed intelligit alios ritus, quos adhibemus: immò contrarium colligitur ex hoc auctore. Nam in isto sermone de ablutione pedum, dicit Christum esse auctorem sui Sacramenti, & sermone sequeti, qui est de Chismate, dicit hanc vñctionem esse diuinatus institutam; & esse Sacramentum: ex quo certè colligitur à Christo institutam. Neque obstat, quod afferat manus ex Testamento veteri, quia id intelligit ratione figurarum, ut diximus de Tertulliano. Porro Basilius nihil affirmat contra nos, aut S. Fabianum: neque enim aut S. Fabianus, aut nos dicimus esse scriptam in diuinis literis institutionem Chrismati, sed dicimus haberi ex traditione nō scripta, & tamen certissima, & cui fides habenda est, ut ipsi verbo scripto, ut ibidem scribit Basil. lib. videlicet de Spiritusanto, cap. 27. Neque id repugnat iis quæ dicta sunt initio capituli superioris. Nam in epistolis Pauli & Ioannis habetur mentione, non tamen institutio Chrismati.

TERTIA obiectio Kemnitij contra secundam propositionem. Natiuum balsamū vñà cum arboribus iam perisse constat. Scribit enim Plinius libro 12, cap. 25. verum balsamum solum in duobus hortis Iudææ nasci solitum, qui horti iam dum vastati sunt: Periit igitur, inquit Kemnitius, materia Confirmationis, si ea necessariò balsamum requirit: neque potest suppleri artificioso, ex factitio balsamo balsamum naturale: quemadmodum nec aqua Baptismi factitia aqua, nec vinum Eucharistie factitio aliquo vino. His addunt quidam Catholici, non esse probabile Christum instituere voluisse

Sacra-

Sacramentum aliquod in re tam incerta, rara, pretiosa, que
vix magno labore, & sumptibus obtineri potest.

RESPONDEO; Quæstionem esse inter Theologos, utrum bal-
samum requiratur in Chrismate necessitate sacramenti, an so-
lum necessitate præcepti. Et quidem veteres omnes Theologi
dist. 7. lib. 4. sent. & lute consulti in cap. Pastoralis, extra de Sa-
cramentis non iterandis, docent balsamum requiri necessita-
te sacramenti, ita ut sacramentum irritum sit, si absq; balsam-
o detur. Tamen recentiores quidā, Caetanus in 3. par. q. 7.
art. 2. Dominicus à Soto, lib. 4 sent dist. 7. q. 1. art. 2. & Fran-
çois Victoria in summa de Sacramento Confirmationis, putat
balsamum non requiri ad essentiam sacramenti, sed necessario
adhibendum ex diuino præcepto. Vtrique nituntur quodam
textu Iuris canonici, cap. Pastoralis, extra de Sacramentis non
iterandis; quē teztum vtraque opinio ad se trahit. Neutra op-
inio est de fide, vel contra fidem, & fallitur Kemnitius pag. 39,
vbi docet, Concilium Florentinū definiuisse contra Schola-
sticos, balsamum requiri in Chrismate. Nam Concilium non
expressit, quo modo requiratur sed dixit materiam esse oleum
cum balsamo, ut etiam in Eucharistia dixerat materiā esse vi-
num cum aqua; & tamen omnes fatentur aquam non esse
de essentia, vt sine ea sit irritum sacramentum.

Ad argumentum autē Kemnitij nego balsamum verum, &
natiū periisse. Nam etsi aliquando opinione Plinij tantum
in duobus hortis Iudææ nascebatur balsamum; tamen in Ia-
diis nascitur, & inde adhuc aduehitur. Neq; refert si id Plinij
ignorauit: nec enim ille omnia scire potuit. Neq; balsamum
quod adfertur ex Indiis artificiosum, aut factitium dicidebet,
licet forte non sit idem specie cum eo, quod nascitur in Pal-
estina. Variæ enim possunt esse species balsami, vt sunt variæ spe-
cies vini; & quælibet idonea, est ad sacramentū conficiendum.
ADDE, Plinium id, quod refert de duobus hortis, referre do-
tempore antiquo: nam suo tempore fatetur multas fuisse ar-
bores balsami in Palæstina: & Hieronimus, qui trecentis annis
fuit post Plinium, in cap. 27. Ezechielis; immò, & Gregorius
qui ducentis annis post Hieronymum, & quingentis post Pli-
nium, in cap. 1. Cantic. affirmat tempore suo in vineis Engad-
ibalsamum gigni solitum. Falsum igitur est balsamum na-
tuum periisse. Ad confirmationem respondet praxis Ecclesiæ.

Licit

Licet enim rarum, & pretiosum sit balsamum: tamen adhuc nunquam defuit Ecclesiæ, neque ex penuria balsami prætermisla est aliquando Confirmatio. Quod si per annos mille, & ferè sexcentos Deus prouidit, certè non deecrit deinceps.

QUARTA obiectio est contra tertiam propositionem, quia videtur esse quædam species magie & incantationis, ritus consecrandi Chiliasmatis. Sed de hoc argumento suprà diximus in materia de Sacramentis in genere, & dicemus etiam postea cùm agemus de cæremoniis huius Sacramenti.

Q V I N T A M obiectionem contra quartam propositionem sumit Kemnitius ex Cyrillo, & Ambrosio. Cyrillus enim catechesi 3. mystagog. dicit, Chrismate inungio omnes ferè corporis sensus; Ambrosius autem libro de iis, qui initiantur mesteriis, capite 6. dicit caput inungi, & inde vnguentum ad barbam defluere. Non igitur certum est, quod nos diximus, Chrisma in fronte adhibendum esse. R E S P O N D E O; Cyrillum loco citato, præcipuè velle frontem inungi, ut ipse expressè ait, deinde alios sensus; quod quidem non est contra nos: siquidem id solum asserimus, nisi in fronte adhibeatur Chrisma, sacramentū nullum esse; non tamen negamus, quin deinde possit iuxta varios Ecclesiæ mores inungi, etiā alia aliqua corporis pars. Porro Ambrosius loco citato à Kemnitio, non agit de Confirmatione, sed de vñctione, quæ fit in Baptismo, quam etiam nos fatemur in vertice capitis faciendam: de Confirmatione autem agit Ambrosius, cap. sequenti.

CAPUT DECIMVM.

De forma Sacramenti Confirmationis.

FORMA huius Sacramenti, sunt hæc verba: *Configua-
re signo crucis, et confirmo te Chrmate salutem in
nomine Patris, et Filii, et Spiritus sancti.* Neque
dubitari potest, quin hæc sit conueniens forma,
cum aperte explicet, & caussam principalem, quæ est sancta
Trinitas, & caussam ministerialem, quæ est ille, qui verba ipsa
profert, & denique effectum Sacramenti, qui est, facere Chri-
sti militem insigniendo illum cruce, & roborare, atque arma-
re confirmingo Chrmate. Habetur autem hæc forma di-